

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 242509 24 St
Zenica, 09.09.2024. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupka nad stečajnim dužnikom Društvo za transport, trgovinu i usluge „BOSONA TRANSPORTI“ d.o.o. Zenica, ul. Bulevar kralja Tvrtka I, br. 1, Zenica, nakon održanog ročišta za utvrđivanje uvjeta za otvaranje stečajnog postupka održanog dana 05.09.2024. godine u prisustvu likvidatora Sunulahpašić Samira i punomoćnice povjerioca Porezna uprava FBiH – Kantonalni porezni ured Zenica, Kustura-Imamović Semine, dana 09.09.2024. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predujam za obezbijedenje troškova stečajnog postupka u iznosu od 5.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predujam sud će po prijedlogu privremenog stečajnog upravnika zaključiti stečajni postupak nad društvom Društvo za transport, trgovinu i usluge „BOSONA TRANSPORTI“ d.o.o. Zenica, matični broj subjekta upisa 43-01-0411-09, te naložiti brisanje ovog društva iz sudskog registra.

O b r a z l o ž e n j e

Rješenjem ovog suda broj 43 0 L 224137 23 L od 16.03.2023. godine određeno je provođenje likvidacionog postupka nad društvom Društvo za transport, trgovinu i usluge „BOSONA TRANSPORTI“ d.o.o. Zenica, a za likvidatora je imenovana Fetić Alenka iz Zenice. Rješenjem ovog suda broj 43 0 L 224137 23 L od 02.11.2023. godine, Fetić Alenka razrješena je dužnosti likvidatora, a za likvidatora je imenovan Sunulahpašić Samir iz Busovače.

Na ročištu za ispitivanje uvjeta za otvaranje stečajnog postupka održanom dana 05.09.2024.godine, likvidator je u vezi sa ispunjavanjem uvjeta za otvaranje stečajnog postupka i ekonomsko-finansijskim stanjem društva, likvidator je izjavio da je Društvo za transport, trgovinu i usluge „BOSONA TRANSPORTI“ d.o.o. Zenica platežno nesposobno, da nije u mogućnosti ispunjavati svoje dospjele obaveze, da je račun društva blokiran, da društvo ima obaveze i to prema povjeriocima Porezna uprava – Kantonalni porezni ured Zenica na osnovu neizmirenih obaveza po osnovu javnih prihoda u ukupnom iznosu od 12.663,09 KM (obaveze iz Rješenja donesenih u postupku prinudne naplate iznose 10.132,10 KM, a kamate obračunate do dana donošenja Rješenja o provođenju likvidacionog postupka iznose 2.530,99 KM), prema Dioničkom društvu BH Telecom Sarajevo, Direkcija Zenica u iznosu od 426,90 KM, prema povjeriocu UIO RC Sarajevo iznos od 366,08 KM (glavni dug u iznosu od 219,00 KM, kamate do dana prijave potraživanja u iznosu od 136,13 KM i naknadni teret u iznosu od 10,95 KM) i prema povjeriocu PIO/MIO KAS Zenica u iznosu od 2.097,83 KM, a koje obaveze su osnovane i iste se ne osporavaju. Likvidator je izjavio da iz Bilansa stanja od 16.03.2023. godine

proističe da ukupna aktiva/imovina društva iznosi 615,00 KM, a ukupne obaveze društva iznose 20.405,00 KM i to: kratkoročne obaveze u iznosu od 20.405,00 KM i dugoročne u iznosu od 0,00 KM, te da na dan 16.03.2023. godine društvo ima gubitak iznad visine kapitala u visini od 19.790,00 KM. Dalje navodi, da iz Uvjerenja MUP-a ZDK, Odsjek za administraciju Zenica, broj: 08-01-02/5-03-7-9466/23 KA od 23.08.2023. godine proističe da društvo posjeduje neregistrovana vozila i to: neregistrovano teretno vozilo marke VOLVO FH 12-16, reg. oznaka T26K402, godina proizvodnje 2000, neregistrovano priključno vozilo marke Schmitz S01, reg.oznaka A15A525, godina proizvodnje 2002 i neregistrovano priključno vozilo marke Schwarzmuller J203, reg.oznaka M36357, godina proizvodnje 2008. Priključno vozilo marke Schwarzmuller je dana 03.12.2018. godine prodato firmi SYR TRUCK d.o.o. Tešanj, a kao dokaz o prodaji je dostavljen Račun broj 039/208 od 03.12.2028.godine , dok su teretno vozilo marke VOLVO FH 12-16 i priključno vozilo marke Schmitz S01 učestvovali u saobraćajnoj nezgodi koja se desila u Bugarskoj dana 21.05.2018. godine, na putu u gradu Harmanli, te da su tom prilikom oba vozila uništena u toj mjeri da vlasnik nije imao ekonomske računice ista dovoziti u BiH. Navedeno proističe iz Izjave direktora društva br. 19568/23, ovjerene kod notara Terzić Marinka dana 24.10.2023. godine i Izjave osnivača koju je dostavio dana 07.05.2024.godine, te je dostavljen i Zapisnik o saobraćajnoj nezgodi No 1577890 , Računu od strane društva Auto complex Dimitrov, Dimitrovgrad br. 0000000069 u iznosu od 5.265,00 KM za izvlačenje pomenutih vozila sa puta, Zapisnik o saslušanju svjedoka Čolić Dine , vozača koji je upravljao navedenim vozilima prilikom saobraćajne nezgode. Likvidator je izjavio da društvo ne posjeduje imovinu iz koje bi se mogli namiriti povjerioci, a što proizilazi iz Uvjerenja Općinskog suda u Zenici broj 043-0Rz-23-003 139 od 11.09.2023. godine, Uvjerenja Grad Zenica, Služba za imovinsko-pravne, geodetske poslove i katastar nekretnina broj 04-26-10-10016/23-2 od 07.09.2023. godine, Izvještaja Centralne Banke BiH o računima poslovnog subjekta „BOSONA TRANSPORTI“ d.o.o. Zenica od 23.10.2023. godine iz kojeg je vidljivo da su transakcijski računi društva blokirani. Navodi da postoji razlog za otvaranje stečajnog postupka, utvrđena je neplatežna sposobnost dužnika, a kako društvo nema imovine iz kojih bi se namirili troškovi postupka likvidator je predložio da sud pozove povjerioce i zainteresovana lica da predujme troškove vođenja stečajnog postupka u iznosu od 5.000,00 KM. U protivnom, ukoliko niko ne predujmi navedeni iznos, predložio je da sud otvori i istovremeno zaključi stečajni postupak i briše navedeno pravno lice iz evidencije privrednih subjekata.

Kako stečajni dužnik ima obaveze, a nema dovoljno imovine, pa ni za troškove stečajnog postupka, to je sud primjenom odredbe člana 102 st. 7 i 8. Zakona o stečaju („Službene novine F BiH”, broj: 53/21) pozvao povjerioce i zainteresirana lica da uplate predujam za obezbijedenje troškova stečajnog postupka. Visina troškova srazmjerno je određena troškovima stečajnog postupka koji su od strane likvidatora procijenjeni na iznos od 5.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. st. 3 Zakona o stečaju, a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:
Protiv ovog rješenja nije
dozvoljena žalba.

STEČAJNI SUDIJA
Amela Sinanović